

# Cyngor Cymuned Llanystumdwy

**Rhaglen Cyfarfod Blynyddol y Cyngor a rhaglen waith y Cyngor - nos Iau, 3ydd o Fehefin 2021 drwy Zoom yn brydlon am 8:15 y.h.  
Fe anfonir linc i ymuno cyn y cyfarfod.**

Materion angen sylw oherwydd na ellir cynnal cyfarfod yn y man arferfol, oherwydd y COVID 19

1. Ymddiheuriadau.
2. Cyflwyno a chadarnhau cofnodion cyfarfod y Cyngor gynhaliwyd ar 13eg o Fai 2021.
3. Llofnodi cadarnhâd taliadau BACS mis Mai 2021 -  
(bydd y Clerc wedi trefnu i'r Cadeirydd ei llofnodi cyn y cyfarfod).
4. **Datgan buddiant personol**, (Clerc wedi anfon copi electroneg at bawb cyn y cyfarfod).
5. **Materion gan Cyngor Gwynedd**
  - a) Cau ffordd ddosbarth III gyferbyn a Fron Oleu Isaf, Rhoslan ar 24.05.2021 rhwng 1-3 diwrnod-gwaith ar geblau uwchben gan BT Openreach.
  - b) A497, Llanystumdwy - newid goleuadau stryd i 'LED'.
  - c) Llwyn Helyg, Llangybi - draeniad-am oddeutu 3 diwrnod-rhywdro mis Mehefin
  - ch) Cae Llo Brith, Llanystumdwy - clytwaith priffyrdd.
  - d) Glanllynau - Tyddyn Sianel - clytwaith priffyrdd.
  - dd) Glandwyfach - Rhoslan - clytwaith priffyrdd.
  - e) Lon gefn, Llanystumdwy - clytwaith priffyrdd.

## **6. Cyngor Gwynedd - ceisiadau cynllunio yn y gymuned**

**a) Rhif cais:C21/0406/41/RA - Tir Cyfagos i 4 Glasfryn Terrace, Pencaenewydd, Pwllheli,LL53 6RB** - cais i ryddhau amodau 3 (math o lechi), 4(gorffeniad allanol), 6(cynllun draenio), 7 (man troi cerbydol,) ac 8 (trefniant parcio) o ganiatâd cynllunio C16/0360/41/LL ar gyfer tŷ fforddiadwy newydd.

**b) Rhif cais:C20/0348/35/LL - Tir ger Coed Mawr Woodland, Criccieth, LL52 0ND** - cais i ddefnyddio tir ar gyfer gweryslla/glampio amgen parhaol.

**c) Rhif Cais:C21/0497/41/DT - Tyddyn Heilyn, Chwilog, Pwllheli, Gwynedd, LL53 6SW** -estyniad.

**7. Asesiad risg** Cyngor Cymuned Llanystumdwy - y Clerc wedi addasu'r ffurflen asesiad risg, ac wedi ei hanfon at y cynghorwyr am sylwadau, er mwyn ei mabwysiadu a'i rhoi ar wefan y Cyngor, ac i'w ddiweddarau'n flynyddol fel bydd angen.

**8. Polisiau** - adborth yn dilyn Is-Bwyllgor Polisi a gynhaliwyd 13.05.2021, i drefnu diweddarau polisiau y Cyngor. Mae'r newidiadau wedi cael ei nodi'r fanwl ar gofnodion y pwyllgor sydd arwahan, a bydd y Clerc yn trefnu i'w anfon at bawb cyn y cyfarfod. Mae'r newidiadau wedi cael ei gwneud ar y polisiau i gyd, ac ar ol iddynt gael ei mabwysiadu, a'i llofnodi yn dilyn y cyfarfod gellir ei hanfon i wefan y Cyngor.

**9. Argyfwng ail gartrefi-** cyfarfod wedi ei drefnu drwy 'zoom' 27.05.2021 gan Gyngor Tref Nefyn. Dyma grynodedb o'r cyfarfod a dderbyniwyd gan y Cynghorydd Anwen Jones, "Roedd nifer fawr wedi ymuno, gyda Mabon ap Gwynfor, a Llyr Huws Griffith, Swyddogion a Chadeirydd Gyngor Gwynedd, ynghyd a Cyngorwyr Cymunedau a Sirol o Ynys Mon a Sir Benfro/ Ceredigion.

Trafodwyd argymhellion i geisio rheoli y niferoedd o ail gartrefi ac roedd Y Cynulliad wedi comisiynu Simon Brookes i wneud argymhellion er mwyn i'r cynulliad eu hystyried. Nid oedd Dyfrig Siencyn yn cytuno a un cymal, sef dileu rhyddhad treth i fusnesau tai gwyliau, er ei fod yn cydnabod fod yna 'loophole' i berchenogion ail gartrefi osgoi y Dreth Cyngor; ond trechwyd ef gan Simon Glyn yn deud gallai ymyryd a hynny danseilio dogfen Simon Brookes a gwanoio yr achos. Gofynnwyd i bawb roi ei henwau ar y 'chat' ar y zoom i ddatgan ein bod yn cefnogi yr adroddiad. Bydd cyfarfod arall eto mis nesa. Gofynnwyd i Gyngor Tref Nefyn anfon adroddiad i'r Cyngorau Cymuned oedd yn bresennol".

### **Materion yn y gymuned.**

10. **Arwyddion dim ysbwriel drwy'r gymuned** - y Clerc wedi anfon llythyr at Gyngor Gwynedd i dynnu sylw fod llawer o sbwriel yn cael ei adael/daflu ar hyd ochrau ffyrdd a llecynau parcio o amgylch y gymuned.

Gofynnwyd tybed a fyddai'n bosib gosod mwy o arwyddion o amgylch yr ardal mewn mannau penodol, neu a fyddai'n iawn i'r Gyngor Cymuned osod rhai ein hunain?

Argymhellwyd bod angen addysgu'r cyhoedd, a chreu mwy o ymwybyddiaeth rhywsut.

Hefyd gofynnwyd beth oedd y camau mae Gyngor Gwynedd yn ei gymryd i geisio datrys y broblem ond nid oedd ateb wedi cael ei dderbyn eto. Y Clerc am holi eto.

11. **Llanystumdwy**

12. **Rhoslan/Ynys**

13. **Chwilog**

a) **Llwybr sy'n cysylltu'r Lon Goed â fferm Chwilog Fawr-** y Cynghorydd Aled Evans wedi cysylltu hefo Mr Dewi Owen, Cyngor Gwynedd i holi os oes modd trwsio'r bont, oherwydd ei bod yn lwybr poblogaidd. Derbyniwyd ateb gan yr Adran Llwybrau yn cadarnhau "**Mi wnawn geisio archwilio'r bont yma cyn gynted a phosib, a cawn weld beth sydd ei angen i'w hadfer**".

b) **Parcio yn Chwilog** - pryder oherwydd y cynnydd mewn tai yn y pentref, ac y bydd yn anodd parcio yno pan fydd pethau yn cael ei cynnal yn y capeli a'r neuadd. Y Clerc wedi anfon llythyr at Gyngor Gwynedd i holi os yw'n bosibl datrys y broblem, ond heb gael ateb eto.

ch) **Parcio yn Glan y Wern** - wedi derbyn sawl cwyn yn dweud fod dau gar yn parcio drwy'r dydd a nos ar y llinellau dwbwl. **Y Clerc wedi derbyn ymateb gan yr Adran Priffyrdd yn dweud, "Rwyf wedi anfon yr e-bost yma ymlaen i Rheolwr Llinell y Swyddogion Gorfodaeth Sifil. Bydd y lleoliad yn cael ei fonitro pan bydd swyddog yn yr ardal. Diolch Tim Parcio"**.

d) **3 Lon y Plas** - cais yn gofyn i'r Gyngor gysylltu â'r bwrdd trydan (Scottish Power') yn gofyn wrthynt dacluso'r lle sydd ganddynt drws nesaf i 3 Lon y Plas gan ei fod ar lon y fynwent ac wedi tyfu'r wyllt.

14. **Pencaenewydd/Sardis**

**Safle pasio, 'lay by'**- y Clerc wedi gofyn wrth Gyngor Gwynedd am fwy o safleoedd pasio i gerbydau rhwng Sardis i Pensarn, Mynachdy Bach ac i'r tro am Llanaelhaearn. **Heb dderbyn ateb eto.**

15. **Llangybi**

**Cae chwarae** - yr Is-gadeirydd wedi son fod y matiau du sydd ar y llawr yn colli lliw ar ddillad/sgidiau y plant ac o bosibl angen ei newid. Hefyd, fod y fynedfa i un o'r offer ar gyfer yr anabl ddim yn agor.

#### 16. Enwau lleol -

Angen penderfyniad ar sillafiad cywir i'r arwyddion isod.

1. Pont Rhyd y Croesau
2. Pont Rhyd y Benllig
3. Pont Rhyd yr Eirin
4. Pont Hendre-garcin neu Pont Hendrecregin

Hefyd angen penderfynu os am wneud arwydd i'r pontydd isod hefyd:-

1. Pont Tanrallt - sef y bont ar y ffordd am Pentyrch
2. Pont Maenllwyd
3. Pont Ynys Greua
4. Pont Felin Pencoed
5. Pont Brychyni
6. Pont Bryn
7. Pont Bryn Beddau

Gellir trefnu i archebu'r arwyddion wedyn, gan Llechi'r Ddraig ar ôl y cyfarfod.

#### 17. Gwaith ar y llwybrau, Ebrill 2021 ymlaen.

Maenywern Llanystumdwy - y Clerc wedi gofyn wrth Mr Clifford Hughes a Mr Rhys Jones am bris i wneud y gwaith yn Maenywern, Llanystumdwy. Angen trafod.

#### Materion Ariannol

18. Adroddiad Ariannol gan y Clerc a'r Swyddog Ariannol Cyfrifol.

Bydd y Clerc yn anfon ebost at y cynghorwyr i gyd cyn y cyfarfod, drwy gynnwys dogfen 'excel' o'r sefyllfa ariannol hyd at 03.06.2021. Mae hyn yn cadw golwg manwl ar y gwariant sydd eisioes wedi ei wneud.

19. Archwilio mewnol - y Clerc wedi gorffen casglu'r wybodaeth at ei gilydd, ac yn disgwyl i'r Adran Archwilio ddod i'w nhol nhw.

20. Taliadau BACS angen cael ei gwneud yn dilyn y cyfarfod 13.05.2021:

Cyflog mis Mai 2021 y Clerc i'w rannu rhwng y Clerc a Chyllid a Thollau EM.

Enw/Rheswm	Swm £	Cyfanswm Taliad net £	Taliad BACS :- £
Cyflog sylfaenol y Clerc, Mai 2021 35 awr y mis x £11.05 = £386.75	386.75 - Llai treth £77.20 = £309.55	<u>309.55</u>	<u>309.55</u>
Cyllid a Thollau EM Treth ar enillion y Clerc Mai 2021	386.00 x 20% = £77.20	<u>77.20</u>	<u>77.20</u>
Costau'r Clerc Mai 2021	£16.66	<u>16.66</u>	<u>16.66</u>

Bydd y cyfarfod nesaf ar nos Iau 01.07.2021.

**It is possible to get an English translation of any minute, please contact the Clerk.**